



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniae Agrippinae, 1707

Q. 127. Quid præterea hīc notandum sit.

urn:nbn:de:hbz:466:1-42515

III. Item Dominus & Domina respectu familiorum; ut si voverint Jejunium, quo fierent inepti ad obsequia Domini: quale votum non est castitatis, vel brevis orationis. *Lessius num. 86.*

IV. Item non tantum Pontifex respectu omnium Fidelium, sed etiam Episcopi & Principes respectu subditorum, quando materia illis præjudicat. Denique Superiores respectu Novitiorum, in iis, quæ impediunt Novitiatū exercitia. *Lesf. num. 80.*

V. Non possunt irritare indirecte vota de re alijs præcepta, v. g. non furandi; quia nemini præjudicant. Item neque vota implenda tunc, quando materia voti non erit amplius subjecta; v. g. Vota servi implenda, cum erit liber; & Conjugis, cum alter erit mortuus.

VI. Potest quis etiam indirecte irritare Vota longè antē facta quam sibi materia subjiceretur; v. g. facta à Conjuge longè ante Matrimonium.

VII. Potest quis etiam vota à se, vel ab antecessore concessa & confirmata, indirecte irritare, ut patet ex *Articulo superiore*. Excipe tamen, nisi suo Juri cessisset, & hanc cessionem subditus acceptasset; ut v. g. in voto castitatis, mutuo mariti & uxoris consensu facto. Secus tamen eset, si vel sola uxor, vel uterque independenter ab altero vovisset.

VIII. Vota indirecte tantum irritata reviviscunt & obligant, quando alteri desinunt præjudicare, *vid. de his Bonac. L.4.Q.2.P.7.¶.2.n.36. Laym. c.8.*

A D D E N D A.

Q. 127. *Quid præterea hic notandum sit.* R^o 504
Hæc pauca, §. I. *Ilsung T.5. num. 127. docet*
neutrūm Conjugem posse irritare alterius votum

V₂

de

de non petendo debito conjugali , cùm neutra habeat Jus obligandi ad petendum , sed tantum ad reddendum : Fatetur tamen oppositum esse probabile, & in praxi tutum, quia unus potest obligare alterum, ne se reddat inhabilem ad petendum quia inde nasceretur grave onus & molestia in Matrimonio, cùm sæpe difficile sit, & maximuxori verecundæ, debitum petere.

505 §. 2. Domini propter solum dominium utilius quod habent in servos aut famulos , possunt ea tantum vota , etiam ante tempus servitutis emissa irritare seu potius suspendere, quæ obsequio illorum præjudicant, *Ilsung num. 128.*

D U B I U M VII.

Quid sit commutatio voti.

506 ³³ **R** Eſp. Commutatio est substitutio alterius operis honesti loco ejus , quod Voto promisum erat, sub eadem obligatione.
 " Circa quam, ut licet fiat, traduntur hæ regulæ:
 " Prima. Ad commutationem Voti requiritur authoritas Ecclesiastica, 1. Quando commutatio fit in paulò minus bonum : quod si notabiliter minus fit, miscetur dispensatio. 2. Quando dubium est de æqualitate boni. 3. Quando fit in bonum æquale : licet aliqui tunc putent sufficere autoritatem propriam. Hæc tamen sufficit ad commutationem in melius , quia in meliori minus continetur. Voco autem melius , quod est tale in ordine ad utilitatem spiritualem voventis, & Deo gratius.
 " Secunda. Ad commutationem Voti in æquale requiritur causa, licet minor, quam ad dispensationem , quia dispensatio planè liberat

ab